


2

T 8224/0634.81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JUN 15 1939



欽定四庫全書

方輿志

九州攸同湖列有截嵒與之壤未有若今日之感者  
也考稽諸古沿革原為津浦之遠鄉劃分為邑置此  
于幅員內奚啻彈丸然若百粵上游為八閩左臂覽  
疆域而郊形勝觀山川而造險奇雖時代已更人物  
非故舊或者不可勝紀乃吊古瞻丘猶有孰然焉存  
首登井噴以古而是重墓以人而能留耶况大書院  
於定歲河等處多昔賢遺學蹟書隱居曠詠之蹟與  
之

詔安縣志卷之三

方輿志

九州攸同海外有截幅員之廣未有若今日之盛者也粵稽詔安沿革原爲漳浦之遠鄉割分爲邑置此于幅員內奚啻彈丸然居百粵上游爲八閩左臂覽疆域而知形勝觀山川而識險奇雖時代已更人物非故磨滅者不可勝紀乃吊古瞻丘猶有巍然獨存者豈非蹟以古而足重墓以人而能留耶況夫書院書室巖洞亭臺多昔賢講學讀書隱居嘯詠之蹟興廢之間可以識盛衰之故矣至于薰陶漸則風俗成

哈佛大學漢和  
圖書館珍藏印

生植繁則方產著。物力之登耗。民風之淳漓。長民者應有休養化導之責。焉作方輿志。

### 沿革

先王畫野分州。歷代建置不一。秦罷封建而置郡。縣後或爲部。爲道。爲路。爲軍。是其地者不必襲其名。仍其名者未必卽其地。紛紛變易。處處皆然。況詔爲新設之邑。介閩粵之間。命名不常。隸屬屢改。備稽顛末。歷載原由。俾後之覽是志者。知詔安在某時屬粵。在某時屬閩。在某時爲場。爲驛。爲寨。爲屯。夫亦可以識其地。論其世矣。志沿革。

詔安縣本漳浦縣南詔鄉。禹貢揚州之域。周職方七閩地也。

唐時有南詔人過此。言此地風景好似我南詔。故以南詔爲名。

漳之爲州。始于唐嗣聖三年。而漳浦縣與並置。

高宗儀鳳三年。寇陳謙等連結諸蠻。攻潮州守帥不能制。左玉鈐衛翊府左郎將陳元光討平之。開屯于漳州之北。且耕且守。嗣聖三年。元光請于泉潮間建一州。以抗嶺表。詔從之。因卽屯爲州。并置漳浦縣屬焉。

浦又古綏安地潮陽志綏安晉時屬義安魏義安卽  
今潮州是詔自綏安時有矣陳元光建州後卽其地  
立行臺以時巡邏是爲南詔保下游直抵潮之揭陽  
貞元中拆立懷恩縣而南詔屬懷恩後有懷恩人登  
浦詔復屬漳浦宋爲南詔場爲臨水驛又爲沿邊  
檢寨元置屯田發屯兵戍守至正間右丞羅良因命  
屯官陳君用城之置屯田萬戶府明宏治間虜寇爲  
患調漳州衛後所官軍置守禦千戶所正德己卯設  
捕盜通判駐焉兼督平和饒平等處尋以不領贖罪  
靖八年鄉民許仲遠等請設縣明年議拆漳浦縣二

三四五都爲縣勅名曰詔安屬漳州府

### 疆域

何言乎疆域也疆成于積壤城定于分畛土疆山  
域澤疆水域昔人詳哉言之矣疆域有廣狹貢賦  
有重輕土壤有肥磽人民有多寡長吏各守其地  
厥有專責不容紊也詔邑東南濱海則海上之封  
疆未可以道里計西北接粵則隣省之分域又宜  
以分寸明疆域其可略乎舊志志形勝而不志疆  
域竊謂疆域可以包形勝而形勝不可以盡疆域  
禹貢所以先言八州之疆界而後及界內之山水

耳因祖述其意先明境至後附舊志形勝并戴冠  
所著地圖說廣袤俱悉險阻咸明志疆域

詔安東抵漳浦界西抵饒平界廣一百里南抵海北  
抵平和界袤一百二十里

東至銅山所八十里至金石司六十里至洪淡司  
八十里俱海與外俱大海至漳浦縣二百三十  
里南至懸鐘大海三十里至潮州柘林寨三十里  
柘林渡河至南灣總兵府一汝水東北至雲霄鎮  
八十里北至平和縣一百二十里至饒平之三饒  
一百里西北至詔平縣一百里西南至饒平之黃

圖驛四百里

舊志詔安形勝外蔽于漳分疆于浦自浦以南盤陀  
迴峻限以嚴關雲霄故鎮在焉中路榛林大山通道  
百粵者爲茲邑治險阻地峙形勝天開朝丹暮霞潮  
汐吐吞南山聳翠于前鳳頭高擁于後所在重關複  
岫足爲屏鑰九侯以北漸岳以東則陰崖蔽景崇巒  
隱天捫參歷井未罄名言而且赤坑孕其雄秀象頭  
滙其汪洋地勢夷曠民居稠密山川萃鬱人文迭興  
閩會極南此爲樂土又若天馬數峰直盤飛于空際  
點燈列嶂類玉筍之聯班則標舉勝槩留連風景亦

足以馳騁胸懷發其耳目先爲江表之名邦不獨閩  
封之保障矣

戴冠詔安地圖說

丙寅奉 旨聚造四 詔安當百粵 至道里更定回覆作

上游故漳浦縣三都地人敦禮義家習詩書而距浦  
邑絕遠嘉靖間議以鞭長難及割浦二三四五等都  
分設詔安縣嗣是人文蔚興前志略紀其山川形勢  
建置沿革始末其由治所抵懸鍾遊一潮汐之便適  
東渡磁窰八尺門抵銅山亦僅九十里而遙南北對  
峙外控引南澳內蔽捍雲浦近復築八尺門兩砲城  
以扼賊由外洋入寇之路綢繆備禦最爲精密則未

之詳也按圖縣治三面負山一面吞吐鉅海朝耕暮  
霞行空天馬肅然朝宗正北椽子林十八碕屏嶂玉  
筍嶙峋與浦九十九峰號大小榮山自五嶺大牙發  
脉至平和大峰山突起雄亘而大峰中出之最高者  
曰點燈山爭光列宿起伏迢遞百許里至出卿良峰  
兩山而關縣治壯全閩第一門戶遠近錯落泉石煙  
嵐皆古德仙佛之氣者曰九侯山初稽山前代名賢  
隱居倡道故址尙存山勢怒奔而東凌江欲渡未渡  
則漸山聳拔空際如千瓣芙蓉陰晴丹碧頃刻萬狀  
交流曰竹港曰柺洲曰上湖曰海月厚港東西嶠紆



絡縈廻釣舫書畫船隱現兼葭中環居山麓名賢如  
宋翁瓊州待舉陳廉獻景趙太學吳天成楊耿鄭柔  
薛京金堅隱此山以避建炎紹興時學禁和議之禍  
山之四履理學文章表著者亦率父子祖孫相繼兄  
弟競爽蒸蔚精靈殆跨九侯初精諸名山上也渡海  
而東爲五都爲銅山有數人物後先接武轉而正東  
周道如砥越深田油枿等嶺阡陌瀾漫耕桑如織則  
漳浦雲霄界矣正西金谿四九甲諸鄉從麻寮河竈  
逕深入官限林婆社至大溪爲平和之南境詔水脈  
滙觴于此至縣城停蓄始趨龍江甲涉蠟諸洲其地

勢視西南饒界潮坑諸細流滙南山下入海者特雄  
壯其從林婆社之紅花嶺間道右折而三峻嶺入秀  
篆埔坪清涼山諸團田園種植別一天地其民有皓  
髮龐眉未嘗至城市老死不見兵革者而中邊一線  
亦與饒之西北三饒百子橋絕深界接壤皆菁林鳥  
道天日蔽虧惟由縣治西南二十五里至漳潮分水  
關又十五里黃岡巡檢司始爲閩廣通衢往水立山  
飛時師徒絡繹行賫居送村無煙火路斷人行茲則  
劍佩車馬流水游龍如繡如畫詔隸職方來衣履梗  
槩約略具此若夫源遠流長播越遷徙之餘魂以次

復業百堵借作絃誦相聞卽諸複嶂陰崖人跡不到  
向陟巉巖望澎湃而戒心者今雖跬步丸泥可封則  
聲教付循之漸被山若增而高水若濬而深有非丹  
青物色之所能及者矣

山川

禹敷土隨山刊木奠高山大川是八年之勞盡在  
山川也凡有高山必有大川而大川之水非疏導  
有方能爲利而亦能爲害詔邑負山面海海爲諸  
水所歸而無事疏導此天地自然之利爲斯民者  
知之乎舊志有曰上下原阪念衣食而慤財阜之

求跋涉艱嶇知嶮易而周固禦之策官斯土者不  
知也先輩有言曰東南龍脉遇海而止元氣  
蟠演發爲秦中之剛山不能勝水而拔地卓起未  
肯相牽相連強爲詭隨附麗其骨力與龍門砥柱  
同人才間出率多品勝厥惟肖哉爲斯土者知之  
乎又曰本同而末異者山也異而未同者水詔安  
之水雖近歸于巨海詔安之山實遠發于大峰暨  
斯志者不可不知也是皆脩志之微旨也志山川

詔安縣山當閩封之極南控引潮粵其山多雄亘自  
五嶺龍門九牙山來至大峰再立祖山大峰之西出

來縣治者曰小篆山

俗曰犁頭山嵯峨高大為縣龍之祖叢險盤紆可當要害

日出卿山

俗曰赤坑良峰山之本祖勢若五星聚講一夫為西山饒平界一支為縣治

曰桂山曰烏石鼓山曰寨山曰浮山縣治主山曰良峰山

登拔奇麗識云良山青出公卿朝暮有紫氣有寺見寺觀志

大峰之中出者曰點燈山

夜有天燈騰光之祥故名一支縣平路至斗頭山

五老山而止一支縣金溪山江輒坑歷小嶺至雞

籠山而止在二都

曰奇金峰曰六峒山

奇金峰在三都聳峭數百仞六峒山在二都

大峰之西南縣治之東北其籠從盤礴肖梁岳者曰

椽仔林山

在縣東北五十里山勢籠從崖石林列有石屋數

十處可容百人稱十八洞云嘉靖末附山劇寇嘯

聚谷中出沒靡常大爲民害進士蔡一楠被擄在此官兵莫何旋方散去今盜稍息而姦慝恒遁居焉菁林要害尤一方之鏃緊者此山實與九侯連絡爲邑之鎮山特以阻嶮故鮮稱焉南行者望梁山方盡逾盤陀而南群峰天半依然轟轟玉筍曰初稽山曰九侯山

初稽卽九侯左在縣北三十里山半有二潭不竭亢季陳汶輝結庵講學于上巨石出泉清冽號玉泉可和藥谿多巨石草皆萱蘭卽長田徑之溪水也九侯在縣北二十里九峰並列有石門可通車

馬頂上可坐數十人中爲碁盤有天然橋香爐石風動石雲根石天梯石觀音石鯉魚石三寶石一石如覆船又有飛來佛羅漢洞松澗泉一統志云拋志謂九侯傳夏后之緒以指爲夏之子孫而蔡如松云九峯之神各主一山其說不同舊志宋蔡僞學時有五儒隱姓名遠來就此講學暮年間歸後人因名九侯書室有詩云奎躔煥五曜高照東南方風韻遠相聞琴書來徜徉掬彼九侯水就爾五儒腸金陵趙嘉客詩古凌秋霜洛陽周直言笑語舍德芳臨汀伍仲求水壺瑩瑤光大林飛仙者

吸露壽而滅中有石屏翁巖柯無炎涼同躋名山  
頂流飲北斗漿玉皇吹鐵笛玉女製霓裳皆云五  
儒者百歲陟帝鄉共弄風塵表悠悠天地長後人  
好事者列九侯山二十四景曰九侯拱北三極撐  
天撐崗紫霧爐石清煙天然橋上風動石邊日巖  
起洞雲室觀泉黃禾滾浪青犢眠田雲纏樵路日  
照僧傳玉泉垂虹太極洞淵觀音洞口石佛飛仙  
在門天設鐘磬禪軒桃源深處羅漢蘊蒲宋儒書  
室仙于甚盤旋心泉石洗耳浴川

曰和廣山

舊志作厚廣山在縣東北二十里山勢率嶺延袤  
數十里一支曰鳳髻山一支曰東嶠山曰雙屏山  
曰真武山真武之前在洋尾江中者曰官巖山一  
支曰鳳山曰大圍山

曰奇山

舊志在縣東二十里

曰九上落山

在縣東十五里先是路出北門惡少竊伏行旅患  
之嘉靖乙巳知縣廖遜改從鳳山洋尾在半沙分  
岐其山卽和廣分支

縣之西南曰焦坑山

舊志在縣西北三十里

曰分水關山

漳潮分界列嶂隙處知縣周立捐貲築城邑人沈  
鈇捐助共成

曰龜山

在縣西南二十五里上有巨壑相傳有潛龍禱雨  
多應有石洞可容數十人在關之左卽葉壘讀書  
處

曰吮嶺

山如列屏在關之右路通東界柘林多盜詳關隘  
曰大南山

與瓠嶺相連綿亘數里若巨屏其嶺產蘭

曰小南山

文廟筆山秀聳奇麗萬歷壬寅知縣黎天祚建塔  
未成萬歷丁未知縣鄭化麟因塔址用土培之邑  
中科第遂有二三同登者

曰象頭山曰竹西嶺至此而南暨嶺背則潮境矣

邑治之東曰四都其最曠邈爲餘甘嶺山

在縣東六十里上至深田舖磨石溪而止蓋漳浦

詔安接壤山也山險多盜知縣廖暹修廢寨移民  
兵守之其山從雲霄茅嶺來梅洲五都發脉之祖  
舊路從山嶺行崎嶇不便萬曆二十五年知縣夏  
宏改由山腰而行士民稱快頌德紀石

爲葵崗山

在縣東四十五里餘甘嶺之右支山勢綿亘跨于  
深田鋪上下中有兩小山相峙稱相見嶺云有古  
關隘壘石而成宋爲沿海道巡海所明以古林徑  
心諸舖豪黠劫掠撥浙兵守之

雙岐山

雙峰高峙從九侯稼子林分支與漸山相對與厚  
廣山相連下爲大興公館上湖奇材後港諸鄉胡  
文父子陳天資李旦之里胡士鰲有八景題詠遺  
藁散逸無存

甘嶺分行至于東南爲知州山

在縣東南六十里從餘甘嶺山至竹港溪而盡宋  
知瓊州軍翁待舉葬于此山故以知州名今千餘  
尚家山巒

屹立于四都上湖之江左近梅州與知州山分脉者  
曰漸山有石橋遺洞存焉

在縣東五十里四都東境山也高峭千仞頂分二峰俗呼雙鯉朝天中有潭深不可測宋進士翁待舉陳景肅楊仕謹仕訓張昇咸生山麓築室讀書于上種橘數百株號石榴洞遺跡尙存山岐跨至港口渡西南巨石若屋廡然內有泉清冽遠近汲之正德十四年龍起聲如推屋食頃乃止山塌裂深廣丈餘人咸異焉

其界屬四都而山從鳳山大圍迤出者曰梅嶺山

在四都離縣三十里距懸鍾所十里瀕海有公館今廢漳之洋船先實發于此原有主簿鎮于此後

設縣鎮除以其地屢爲倭寇所憑後發船在海澄是地雖屬四都山爲三都濱海盡處

曰丐州山

舊懸鍾志曰斂州山在縣治東南海中衆水匯處一邑關閩雙峰高寺蒼翠如畫舊志十景岐岫紫烟卽此

又南爲懸鍾所其高峰突起海上重重盤錯如茵蒼之露晴波與南灣大尖相拱揖南則汪洋一望無際矣其城內曰果老山

居城中惟石隆從入峰環拱一名古老俗曰八仙



朝右若如蘇蔣基端其石曰青蓮聳秀濶陵碑  
鐵曰海國開文俞咨榮鐫曰山城出色丹堊鐵曰  
水遶懸城其八峰曰凌雲曰綠屏曰龜陰曰玉陽  
曰璞玉曰鼎耳曰璧石曰玉柱

東畔者曰東山

又曰湖仔山上有墩臺分守蔡公湖鐫大石面詠  
八景有詩詳藝文

曰丙寅

狀如神龜與洋林大礮謂之龜蛇相會中有巨石  
如牛湖滿則沉湖退則見以塞水口

曰外巖

中多奇石多集海鳥

曰勝灣

城西南面對南灣水邊栢林等處其上為南山墩  
其平處為天妃廟上有大石鐫守在四裔四大字  
望陽臺

南門外有石甚巨高聳秀麗阮撫臺嘗駐于此吳  
其石而名

曰洗馬河

居東山之下周圍百丈歲納課米今為附近居民

侵占為田園池塘只有數十丈

七洲與曰蛤洲敏洲紅洲臥崗洲蛇洲獵洲

俱在北門內江一派離城六七里羅列雖為詔之

水口實為懸之羅星惟蛇洲附于五都之海口離

懸鐘所有五里許

邑治之東縣漸山穿海者曰五都其山曰長山

海中石骨水次存現潮至則兩面合潮退則兩水

分另浮一洲曰大碓與容數十家俗云繇此度海

過脉皆訛特扶吸耳

曰龍峰山曰大金山

中龍發脉之處

一支曰卿內山一支曰大嶺尖

繇河西嶺之西路

曰大夫山

俗曰大埔中龍將就寺度峽處

曰金誥山曰雙髻山

即金誥之分支色蒼如髮

曰南山

朝陽晚暉霞光如畫

曰雙壁山

洛安縣志

卷之三 方輿

甲戌年刻

十四 甲戌年刻

俗呼松栢門如靈陵獅山

曰石鼓山

高如建牙有巾子石分一丈曰霞嶺有仙桃洞香泉諸勝

曰羊角山

在五部之中山東上社之初落繇石鼓諸峰度峽而來雄秀巋然松石蒼鬱峰頂石屏屹立傍一巨石共本巖峻類魁頭羊角按山堂肆考載山之有為者曰巉一在西蜀一在閩東南海上此或其山中亦有石鼓石船魁占鰲頭研池喘臺風動石諸勝

西有青雲洞洞背三鯉石有鳳尾松太史黃道周評此山松石爲漳之勝又云此山周遭五里而有五百里之勢分守道蔡公潮題曰金牛山下爲張塘土堡張敏張廷範之里廷範所著有山居十六景羊角雄風雙髻開雲東山宿霧南陸晴霞後屏梁峰前矛大帽川陵揭榜前山勒馬瓊峰大士瑣峽游魚海色浮光方塘鑑影當案寶鑪射斗雙劍奎聚員墩玉液乳泉皆此山映帶之勝

前崗山

繇羊角之風動石穿田度峽聳起巉巖列三大巖

中出者曰佛揖山近南者曰虎公山近北曰虎婆  
山山有瑞應則鳴吼如風雨聲近南鳴者應下社  
近北鳴者應上社屢驗不爽

佛揖山又曰三台山

員秀歧立在全山左之左肩從前箇山度峽林而  
興林曰瑞楊觀吉之里逶迤起伏繇赤山至銅山  
而止逆轉一支爲將軍按劍山與之對峙又五里  
則爲銅山古雷山諸名山詳鎮海志

曰赤山

在佛揖山之東舊有巡司堡後廢爲漳潮司移

分山關山色赭如丹霞走海爲瑣峽游魚

其東南負海之高而拱對者曰大帽山

在五都之南泊浦村其山高聳爲五都第一宋丞  
相陸秀夫扶帝昺泊龍舟于此舊志并載陳宜中  
然陳已先時

高峙于東隅者曰東山亦曰蘇尖山

在五都東南隅海濱半入海俗傳帝昺南渡將都  
南澳築此爲東京地遂缺陷爲海明時城堞尙存  
自山巔下向海莫窮其際海中尙有木頭竹藪潮  
退風靜都人駕舟取焉四時有雲則雨其峯青聳

秀麗爲都第一東面列城垣者向銅山渡海文筆  
插天故科第踵出西向五都藉其勝槩又銅山志  
云城南十里屹峙海中一尖獨聳如筆長屏迤邐  
突出岐山形如雙髻東行入海者一西臨長道者  
二自卑而漸高屯道聶公稱爲童子騎馬上天臺  
又其傍曰瓊山曰川陵山  
狀如列榜俗呼爲揭沙山爲飛沙所埋幾沒其脊  
望之如玉雪上有墩臺其下有湖水焉又銅山志  
載白沙山川陵之右堆沙發脉又曰蒼陵

曰虎岡山

與川陵山相接四時起霧必有雨其峰員秀蒨麗  
曰勒馬山曰五龍山

又曰弁山後平原中有雙飛石望之如雙鳧亦如  
雙劍

曰金石山

舊有巡簡司今除

曰東嶺山

近銅山銅志水寨之右與東坑接壤有巨石倚疊  
如屋

曰水寨大山

近銅二里有撲頭石通接官亭平處有田又有龍潭下注大旱不竭上多怪石如獸有鯉魚石其內有石室二山雖載銅山實五都地

海神則有虎仔嶼南村嶼崎嶼流灣嶼犬眠嶼

五嶼在川陵南大海中

鐵釘嶼鷄心嶼

川陵東

五嶼東嶼南嶼

俱川陵東

而最奇為大甘山小甘山

在五都東南海中遠視若有一小髻天將颶風驟雨其狀變幻若屏若屋若獅象之形四面皆海中有一井水猶淡俗傳仙人遺柑其上故名晴明時望見風濤則隱如無一潮水可至

烏石坪山

海中如屏如黛周圍數里詳銅山志

繇大帽而西曰厓下山

即洪淡司走馬溪

曰吉貝嶼

俱海中與懸鍾接界

此皆環海之錯立而爲一邑之羅衛者也

詔東南皆大海

其通于三都者縣南東兩大溪會注沔洲至懸鍾門赤石灣與大海合一港通四都梅洲上湖地方從港口官渡入一從懸鍾口松栢門渡經大礁與出銅山至天京門皆一環帶瀟之梁山古雷

山圍障如池潮汐有二可以掌推詳潮汐說

其大者曰東溪

在縣東源出平和之大溪山入詔安赤嶺村過白藤徑林婆畚小篆溪自南會樊沙溪自北會南至河竈徑歷麻寮西南受白葉洞水抵南坑馬洋後復北注經太布寨走馬塘出金溪下石壠至溪東村長田塘東諸溪水南注至站前渡乃折而東至南山橫嶺渡入海其交流一繇官洋頭上流至東沈村爲新溪一繇東門屏過林家港至洋尾渡同入于海

上流爲站前溪

卽東溪上流溪之上有新橋址舊爲適粵之路

塘東溪

源出二都下河山至塘東村跨有石橋歷岑頭黃

塘諸水至赤水溪會于東大溪

赤水溪

溪經東鄉與磁窰溪會東溪水赤色其合流處丹  
綠不混詳古蹟志及十二景圖志

其獨趨于海者曰港頭溪

源自長坑五斗過磁窰等村至港頭會湖水經平  
寨溪橋至象頭入海

大陂溪

在二都經馬洋山至大陂南繞梅州村復抵漸山  
而入海

走馬溪

在五都距懸鐘梅嶺俱二十里其地要害

坑內溪

在五都源出卿山之左大嶺之右注于下湖港西  
埭與海水合一從嶺左西入內海俗傳山西豐年  
則西水旺山東豐年則東水旺亦靈跡也

水之滙者為龍潭

在三都週迴六七里其深不測有龍山潭故名潭  
田數百畝禱雨多應潭目石壠而下變港而出滙  
為大浸一在五都詳古蹟志水從石壠溪從雙髻



山麓人海

井之冽者七星井

宋人開鑿以上應七星者一在城北真武廟前一在城東南官井巷一在縣南平寨村一在縣南徐渡村一在縣前盧家巷一在縣東洋尾村一在縣西今已湮塞詳漳浦古志

石井

在洋尾山畔有一大石橫豎中有兩孔泉勢沛出雨不能溢旱不能涸

龍窟義井

五都東坑詳銅山志一名獅井在五都羊角山下山石帶霧膚寸則井水深一尺

玉泉水

在九侯山一大石北向中起一乳有泉流出飲之愈病一在五都羊角山之麓石堡之內當胷一帶鹹沸流注不以旱乾昏色類乳青囊家謂金牛乳云張廷範山居十六景有玉液乳泉

古以爲名川而今闕其地者曰石墜溪

杜氏通典載漳浦龍西北到石墜溪一百五十里淳祐志云石墜渡有靈菘王故壘及磨劍石唐人

杜岐公作通典載臨漳石堦渡是時去垂拱未遠必有所考又云見蔡如松十辯按淳祐志本文則當時亦不知其處矣正德志漳浦縣下託云石堦溪在西南界蓋處又引舊志以爲江西閩廣之交諸惡少出沒其間昔人有屯營之跡焉故石堦鄉人訛爲石神其流惡人涉之兩足皆黑謂之烏脚瘴又未知所引舊志何志也而癸酉志直以屬詔安之二都與通典及淳祐志俱不叶今查漳浦西北大峰山之東有高坑石堦前亦有渡流經銅山下小溪經南靖龍溪入于海鄉人呼爲石神前無烏脚瘴事其大峰山又有別流下詔安東溪入海者是漳浦西南非西北其靈著王磨劍石在雲霄六都豈石堦亦有是石耶宜闕以俟知者沈存中筆談載漳州界有水號烏脚溪涉者足皆如黑飲之則病瘴行人皆載水自隨梅龍圖素多病預憂瘴厲爲害至烏脚溪也數人負荷之以物蒙身恐爲毒水所濡兢惕過其忽墜水中自謂必死然自此宿病盡除無復昔之羸瘵昔人引用似亦有誤山川美惡時或能異而東西似不可易唐人所據者州魏圖經筆談或好怪乎

言安海志 卷之三  
三百餘里  
縣詔安海門出西南半日程爲南灣山砥柱海中遍

明萬曆四年築城周圍五百丈有總兵府巡海道  
海防館衙門副總兵一員駐焉今城已毀復議建  
築

其山之遠者曰黃芒山

長二十里逋逃之民居焉伏險竊發情地之最切  
者

曰青峙山

向海濶天空四大字

曰獵巽山

高百餘丈長二十里山中可樵牧餘水三里至  
其環于城之左右者爲白沙灣隆灣

中多平田賊曾許朝光舊巢

洋峙

中多平田漳潮民雜處耕佃于此

錢灣

每歲或水湧起沙中有金錢出現

宰猪灣

卽吳平舊巢

其古蹟有雲蓋寺見寺觀

舊為三寶寺時有雲氣遮其上今址猶存

有太子樓

去寺二里宋出帝避元兵于此見古蹟

其遞南則為潮之澄海潮陽焉

論曰舊志謂南灣雖兼屬廣潮而與懸鐘所對峙

一葦可濟實八閩之門戶而清漳之咽喉也向許

朝光吳平一么麼為梗巢穴于斯費兵力百萬而

後定當道始議設鎮建雉可謂得長策矣其規制

方略自有成書崇墉言言比閩成聚伊誰之烈乎

因哀以附詔山川之末簡云今自蕩平臺灣以來

仍設總兵官坐鎮于斯汎兵戰艦登齊完備方在

兩省會議估計工料 題請興築灣城又分隆深

雲青四灣而雲青兩灣田糧鹽課增入詔安全書

徵解考成是灣內之疆域原半隸于詔安則灣內

之山川亦詔安之山川矣附云乎哉至論南灣之

全勢為門戶為咽喉莫詳于戴冠所上經略一書

載藝文志一覽無不瞭然任地方之責者其可不

知地利乎

附潮汐

舊志云山海經獨稱閩在海中爲岐海漳海爲天之東南隅而詔安尤漳海之盡處也詔之海有三派一繇銅山所之太京門入于五都百浦走馬溪止一繇懸鍾所北港門入經漸山滙于梅州上湖止一繇懸鍾南港入經卸石灣繞縣治至甲洲止潮汐者長爲潮退爲汐匪朝至夕至之謂也而古今論潮者不一或以爲海鱗出入或神龍變化或日出于海或天河激湧皆若中土不習見潮者之論夫天地間唯一氣耳海潮者地之喘息耳記云卯酉之月氣以交而盛朔望之日氣以變而盛故潮猶大此以餘月餘日於也周翠渠云海居地上地有俯仰潮因有往來氣升于北則北盈而南虛地必南俯故潮皆南趨氣升于南則南盈而北虛地必北俯故潮皆北趨此以地乘氣潮因地論也惟俯仰之形與喘息之義略有異矣月臨于午爲長之極歷未及申酉則極消月臨于子爲長之極歷丑及寅卯則極消此以太陰之天盤論也若每日之子午亦有潮退每日之卯酉亦有潮至于八時皆然晝刻不見太陰安得復論天盤乎余安道云海之極遠者其得氣尤專故潮亦因之東海南海其候各有遠近之殊豈非方之不同而氣有獨

盛與若晝潮大于春夏夜潮大于秋冬潮之極漲常在  
春秋之中濤之極大常在朔望之復則天地之常數  
通四海皆然者漳人之候潮也夜則以月晝則以時  
于指掌中從日起時順數三位長半滿退半盡以六  
字操之無毫髮爽海上漁者于海嘯則知風海動則  
知雨潮退則出潮長則歸其方言云初一十五潮滿  
正午初八二十三滿在早晚初十二二十五日暮潮平  
又云月上水翻流月斜水伴月落水汝盡潮則呼曰  
南流上汝則呼曰北流落至于駕舟洋海雖憑風力  
亦視潮信以定嚮往或晦夜無月惟瞻北斗以為度

至于口外之潮山平而內溪猶長則氣盛而未收俗  
所云港尾水又云迴流水是也海口以潮平為度其  
穿達支流仍以百里而緩三刻不可以此而分遲速  
焉大率潮之消長每日而移一時潮之大小八日而  
經一變每歲則卯酉二月皆大而辰戌二月為尤大  
漳海之潮與省會興泉不異若瓊海之半月東流半  
月西流桂林之子時潮上午時潮落紀傳所載波濤  
各殊奚敢為之臆說

論曰舊志之論潮汐詳矣而亦有未盡然者如云  
潮之消長每日而移一時則歷十二日應一週矣

而潮候每歷十五日而一週以一日夜九十六刻計之每日當移六刻四分也然又有說焉逢月大則三十日潮固盈縮兩週逢月小止二十九日而潮亦盈縮兩週一年十二月潮既盈縮二十四週閏年十三月潮亦盈縮二十六週以此推之似乎從月之說為長而諸說盡可刪耳

古蹟

地閩人而蹟以著人閱世而古以名因其蹟以想其人百世猶堪興起生乎今以溯乎古千秋亦可考求實關數代遺風豈曰文人好事詔安地多標異人莫就奇縱有舊開半歸湮沒然即如九侯山傳五儒之講學石榴洞誌廉獻之讀書皆足與山川並流峙于不朽矣因繼山川而志古蹟

超然樓

即縣門鐘鼓樓明嘉靖間知縣尤敷建萬歷間知縣黃元立署聯有敲殘玉漏千家曉喚醒鷄鳴一點真之句

丹詔書院

在南詔場宋紹定間河西尉周申請于罷建鄉校設講堂置二齋曰養正曰明善立聖像倣邑學之

制後尉葉暉繼之謀建祠宇堂長阮汝良糜錢二  
十五萬營構以就聖像端嚴賢哲布列倣古鄉飲  
酒禮落成焉莆陽馬鑾記狀元黃朴題扁今廢見  
癸酉志宋末胡炳以文學辟為丹詔書院山長見  
胡氏家乘

石屏書院

在四都漸山麓宋陳景肅講學處

新成書院

在縣北門內舊為老子宮明嘉靖間知縣吳桂改  
建今廢

東瀛書院

在懸鍾所城內即文公祠明嘉靖五年分守叅政  
蔡潮毀西庵佛堂所建也扁係蔡潮手書詳祀典  
志

漸山書院

在漸山宋時建陳格之亡兄植歛袍笏招其魂靈  
葬于此今廢

傍江書院

在沔洲明初陳汶輝隱于此有傍江書院十八景

詩



九侯書室

在九侯山宋林僞學有儒講學隱此姓名詳山川志今爲僧院

明義堂

在北關外諸士講業處

許宏道先生義學

在縣北新安村元季明初兵火時人皆賴以知學  
龍山蒼室

林邁作建奉伏羲大禹文王周孔五聖圖像今被賊毀

臨江亭

在甲洲明洪武間徵士陳元震隱于此見府志  
石橋觀音亭

在東門外石橋頭明天啓間邑人沈鈇建

草叅亭

在三都明崇禎間邑人沈起津建有詩載藝文志  
鳳山亭

在鳳山舖嶺上明萬歷間知縣鄭化麟建亭北有  
寺祀觀音大士

望洋臺

在懸鐘城南疊石凌霄俯瞰大海高七十餘丈四望無際明嘉靖間蔡分守朝鑄其上曰望洋臺麗志作望陽

九侯巖

卽九侯山今爲祝聖道場宋淳祐五年重修天門石鑄九侯名山四字元大德間僧無礙書詳山川志

妙方巖

在二都小篆山巖前卅黃二桂大數圍秋空藹異香滿壑距巖東北十餘里有桂花坑巖山皆

花開香溢十里惜乎林巒幽僻名人韻士所不經亦叢桂之不遇也

斗雲巖

在城西三十餘里古傳出聖僧見漳浦古志

赤坑巖

宋時有寺香火甚盛屬于潮磴道石砌逶迤多致明萬曆間邑人沈欽卽遺址重建

小溪巖

一名石雲巖在華山巖十里許亦古道場極山水之致

華山巖

在九侯巖西名曰橫山山徑幽絕巖傍有金剛石人山門有石澗沿十餘丈巨石雙覆若門因榜其石曰西天門

源花巖

在縣西北三十里自東溪溯舟經龍潭可徑抵山巖而上里許有石澗幽絕可坐百人巖下灘有釣磯相傳爲五小羅隱垂釣處

石榴洞

在四都漸山宋嘉定間里人陳景蕭讀書其處種榴數百本後鄉人楊仕訓仕謹吳大成薛京楊彘楊耿相繼講學于此詳山川志

青雲洞

在五都羊角山西巒石嵌崿玲瓏可以藏書內有石牀後有三石筍如魚狀昂首向天絕類武夸差肩石宮坊黃道周與里人張廷範倡和題詩其上

大果湖

在二都湖山盤礴十里許可種作氣多寒雖盛夏若隆冬然

赤水

卽赤水溪滄出溪東色緒如黃河水與東溪合丹  
綠分道雖合不混舊東海有赤水每年冬至前按  
候而出海中一條赤色如血五都赤山地方漁人  
于是時取青魚魚甚大名赤水烏

龍潭

在三都離城二十里許潭深莫測亂流怪石不可  
名狀常有神物出沒其間旱年鄉人于其上禱雨  
輒應一在銅山界一在五都卿山鄉卿山潭兩石  
尖峙飛泉噴聲若雷年旱都人背佛禱雨輒應

靈芝石

在五都前埔遠視之如靈芝一莖獨峙近視如香  
爐高可丈餘

香爐石牛眠石雲根石

俱在九侯山

鯉魚石

在九侯山巖之左側昂首仰天高數十丈飛泉湧  
浪在其下志中各景多有題咏而茲石爲茲山之  
第一勝景前山川志俱未詳何也

風動石

一在五都南山一在五都港西鄉羊角山之後一

在銅山所城內

東京遺堞

在五都礁尖山詳山川志

太子樓

在南灣宋出帝避元兵于此

塚墓

昔人有言曰墓者暮也長夜不復旦矣此蓋為唐  
眾言也又曰墓者慕也謂人何功德于世即千百  
年後人猶見其墓而興慕焉此為賢者言也詔邑  
右墓纍纍幾同蔓草寒煙而載于舊志止十餘所

不必翁仲輝煌華表赫奕凡登邱望壠者未施敬  
而知敬未施哀而知哀非重其墓重其人也然則  
死求不朽而為石槨何如生為可慕而任泥封哉  
若曹瞞之七十二塚塚愈多而唾命眾豈不愈可  
畏耶為死者傳實為生者勸此志意也志塚墓

翁瓊州待舉墓

陳光祿景肅墓

在漸山麓西姑庵口

在竹港知州出後

吳叅軍大成墓

鄭太學柔墓

在漸山西北麓

在道上庵

薛太學京墓

在白石山南園

學秋墓

漸山西張人墓已失其處

楊永福仕訓墓

陳都尉植墓

在官陂南

在大岐坑

陳監簿格墓

沈省元子真墓

在方岐前岐頭

在四都

陳少傅汶輝墓

許處士福海墓

在懸鍾仔

在磁窰飛鳳山

許平樂潛墓

吳文學朴墓

在磁窰大林谷

在下尾村

蔡淳安方平墓林民部而興墓

在竹港

風俗

千里不同風百里不同俗史無臚載者載之自應  
劬風俗通始其後荆楚歲時記東京夢華錄皆昉  
于劬而絕邑志亦不廢焉大約率土風俗有終古  
不變者北方之剛勁南方之柔弱是也有隨時漸  
移者夏商之忠質成周之尚文是也故曰自儉入  
奢即自盛入衰之兆也近來風俗莫不皆然惟詔

邑稍隣于野而猶近于古一歲之中雖多不經之  
賽會昔子貢觀蜡以爲狂夫子曉之曰百日之勞  
一日之澤蓋因民俗而不嚴爲之禁要在去其太  
甚而已况天道十二年而小變王仁三十年而必  
周持挽之權隱操于一二齊家治國之賢士大夫  
隨機化導其容忽諸志風俗

元旦早起禮神祈年復祭先世

立春前一日有司迎春東郊備儀仗優伶前導市中  
多春鷄春餅之屬

元夕張燈凡家廟神祠皆有之輝煌奪目其日遊

聖閣社有絲棚裝尊應罷

清明祭塚壺漿絡繹郊原

四月八日僧童于半月前昇佛像沿門作歌索布施  
謂之洗佛

端午日家食角黍採艾與蒲共懸之兒童臂係五色  
縷復以繭作虎子帖額具如他邑俗而競渡之風尤  
熾焉其日唐將軍裨將祀于詔著社中人鼓吹具儀  
各導其神觀于將軍之廟謂之貢王

七夕瓜果乞巧亦遽爲宴飲

中元人家各祀其先以楮作五色綺繡之狀焚之云

爲泉下作衣裳所在爲盂蘭會傾動一時其豐潔縝  
紛之美倍于他邑夜則放燈水中千百熒爛群觀塞  
途絲管歌簫徹夜不減上元佳景

中秋祀土神蓋古人祭祀之禮春祈而秋報也士大  
夫于是夜置酒酣宴以續幔亭會孫鄉村人作社事  
尤爲騰踴山橋野店歌吹相聞謂之社戲

重九載酒爲登高之會仍餘茱萸遺意漳南菊開稍  
遲鬻得一二本價可數倍

冬至人家作米團而食謂之添歲門扉器物各以一  
丸粘其上謂之餽灶

臘月二十四日拂室塵俗傳百神以是日上閻闔謁  
帝每神祠及人家俱備物供養畫幡幢輿從于楮上  
焚而送之謂之送神至孟陬四日具儀如故謂之迎

神

按東京夢華錄云二十四日交年都人至夜請僧  
道看經備酒菓送神燒合家替代錢紙帖竈馬于  
竈上以酒糟塗抹竈門謂之醉司命夜于牀底點  
燈謂之照虛耗此日蓋自宋重之矣

除夕祀先禮神黃昏門外爆竹老幼團席據爐而坐  
謂之守歲



由人情曰風維習俗者禮民俗相沿土風各異儀文  
縟節遠近參差而冠婚喪祭其大者也家禮一書所  
以整齊風俗家遵戶守可免似是而非詔邑諸儀雖  
未盡洽家禮而溯源敦本猶爲近之自登遭兵燹以  
來小民粗安陋室而卜擇先塋者姓未構華堂而經  
營家廟故福建通志稱漳州在無諸國爲最南生齒  
繁茂物產綺麗自朱熹作牧以來所部名教經術夙  
爲沾被歷明迄今餘風流韻猶有存者人材輩出科  
名鼎盛地雖僻居海濱實爲閩南輿區但俗尙骯髒  
頗稱強悍內實畏法而懼罪云

論曰舊志謂政純者其風茂政靡者其風靡風俗  
亦政治攸司故古者采風貢俗登其貞慤澆淫之  
故以施開導補救之權關係匪淺也詔于漳屬爲  
極遐之邑土瘠民勞俗惡浮麗矣衣華冠鮮車怒  
馬之容不一二嗜稱最朴矣商船浮海攘利著姓  
恥于服賈雖婚姻不甚擇婿在門戶爲主而娶婦  
無不親迎者讀禮無不終制者雖剛氣喜鬪黠心  
健訟惡少逞嘯聚之爲游手輕擄蒲之擲亦不盡  
無而教子讀書崇師禮傳之盛雅有坊市以遠村  
落皆然亦三代遺良也顧邇來則猶有可厭者尊

鬼佞佛男婦多茹蔬誦貝葉楞梵之宮爭為檀越  
孟蘭之會浪費金錢則曩時所未甚有而今特熾  
矣獨是人文蔚興科第迭出較曩時亦加隆庶幾  
海濱鄒魯云匡其敝而還其淳植其砥而防其潰  
是所望于當道者爾此蓋以持挽之權專責于當  
道為政之賢而不及鄉士大夫匡衡曰公卿大夫  
相與循禮恭讓則民不競奸仁樂施則民不暴尙  
義高節則民興行寬柔和惠則眾相愛是豈專為  
當道為政者言乎而惟孝友于兄弟獨非士大夫  
各當為政于家者哉

方產

任土作貢大禹不責有于無也辨方定物虞周不  
貸異于遠也詔居閩之極南雖疊嶂重山無所為  
泰山金玉也亦帶溪襟海無所為嶺海珠璣也氣  
早熟而土不宜蠶無所為蜀錦吳紈也水宜舟而  
人不習騎無所為厖龍塞馬也倣禹貢職方之式  
而約畧之其俗士農樵漁其物布帛菽粟田宜三  
熟畜宜五擾則詔之實錄盡是矣然因天地自然  
之利裁成而利道之亦何難于家皆給而戶皆豐  
即如海塗所產鱗介之微隨人採取為利奚窮私

則利偏公則利溥扶家立學而自出仰斯民知  
為一方之公產非一家可得而私其所有也庶幾  
利溥而無偏耳志方產

穀之屬曰秬稻曰糯稻曰麥曰黍曰稷曰粟曰菽曰  
麻

帛之屬曰三紗布曰吉貝布曰白苧布曰生苧布曰  
麻布曰葛布曰蕉布曰兼絲布

器之屬曰錫器曰瓷器曰版曰席曰枕

貨之屬曰銀曰銅曰鐵曰鉛曰水晶曰假山石曰鹽  
曰蜜曰糖曰酒曰麪曰藍澱曰油曰燭曰炭曰灰曰

薯榔曰黃蠟曰礬

蔬之屬曰芥曰薤薊曰油芥曰芥藍曰薤曰波菱曰

倭菜曰浮藤菜曰枸杞菜曰芥曰莧曰蕨曰笋曰石

花曰海苔曰紫菜曰赤菜曰虎栖菜曰木耳曰薑曰

葱曰韭曰蒜曰胡荽曰香蕪

蔬之屬曰瓠曰瓠曰壺曰西瓜曰冬瓜曰菜瓜曰王

瓜曰苦瓜曰絲瓜曰胡瓜曰茄曰土瓜

果之屬曰荔枝曰龍眼曰榴曰柚曰橘曰柑蕉曰柿

曰桃曰李曰梅曰楊梅曰杏曰葡萄曰黃彈子曰

榴曰餘甘曰檳榔曰棗曰甘蔗曰楊桃曰諸蓀曰甘

諸曰芋曰椎曰根

藥之屬曰黃精曰菖蒲曰天門冬曰麥門冬曰枳實

曰乾葛曰紫蘇曰芫蕪曰卷栢曰蒼耳曰苦參曰小

茴香曰射干曰蕪荷曰稀簽曰艾曰天南星曰花椒

曰益母草曰山梗子曰使君子曰香附子曰決明子

曰金樓子曰甘菊花曰金銀花曰吉鈎藤曰蓖麻子

曰車前子曰五倍子曰桑寄生

木之屬曰梧桐曰松曰栢曰槐曰楓曰樟曰柳曰垂

絲柳曰榕樹曰桑曰杉曰椴曰柯曰油桐

竹之屬曰桂竹曰麻竹曰猫竹曰苦竹曰赤竹曰石

竹曰綠竹曰蘆竹曰黃竹曰鳳尾竹曰金絲竹曰斑

竹

花之屬曰桂曰蘭曰梅花曰桃花曰碧桃曰川茶曰

山茶曰海棠曰瑞香曰茉莉曰菊曰芙蓉曰山丹曰

蓮曰薔薇曰石榴花曰紫薇曰紫荊曰指甲花曰龍

船花曰鷄冠花曰萱曰鹿葱曰金鳳曰剪春羅曰寶

相曰長春曰麗春曰樹蘭曰賽蘭曰紫蘭曰鷹爪曰

噴雪曰紅蕉花曰胭脂花曰素馨曰錦繡毬曰含笑

曰夜合曰玉簪曰水仙花曰七里香花曰木槿曰木

蘭曰蜀葵花

草之屬曰鼠麴曰仙草曰蒲曰藻曰萍曰虎耳曰鳳  
尾曰龍舌曰香茅曰蘆曰仙人掌曰燈心草曰獨帚  
曰淡芭菰曰野葛曰垂階草

畜之屬曰驢曰馬曰騾曰牛曰犐曰猪曰狗曰猫曰  
白鷄曰鴨曰鵝曰鶴

毛之屬曰虎曰豹曰熊曰鹿曰麀曰豺曰狼曰麋曰  
猴曰猿曰狐曰兔曰獺曰山犬曰野猪曰豪猪曰狸

曰鼯鼠曰山鼠

羽之屬曰鵲曰鳥曰鳩曰雉曰錦鷄曰白鷺曰鷹曰  
鷓曰鳶曰鸚曰竹鷄曰鷓鴣曰杜鵑曰鶯曰鶻曰鶻

百舌曰吉甲曰畫眉曰山胡曰白頭翁曰燕曰雀曰  
布穀曰鷓鴣曰伯勞曰鳧曰鷗曰翡翠

魚之屬曰白鼈曰石首曰鯉魚曰鮒魚曰鰈魚曰烏  
魚曰子魚曰馬鮫曰鯢魚曰鮫魚曰鮠魚曰鮭魚曰  
鮓魚曰勒魚曰斂魚曰貼沙曰鰻魚曰銀魚曰金魚

曰赤鬃曰黃縞曰烏頰曰方頭曰章魚曰石拒曰鑽  
管曰猴漆曰鮓魚曰鰱魚曰鯽魚曰油魴曰涂魚曰黃三曰  
赤魚曰柔魚曰黃爵曰青鱗曰燕魚曰帶魚曰溪鱸

曰鮠魚曰鱶魚曰潭捕

介之屬曰龜曰鼈曰鼈曰鼈曰蟹曰螭曰蟬曰蟬曰蛾曰虎獅

曰彭蜺曰金錢蠟曰蚶曰牡蠣曰車螯曰石蛙曰水  
龜曰蝦魁曰蝦蛄曰蝦曰苗蝦曰香螺曰紅螺曰梭  
螺曰田螺曰西施舌曰淡菜曰海月曰蛤曰沙屑曰  
沙白曰海膽曰江蜆曰鯉曰竹蠹曰烏粘曰蝸曰空  
豸曰江瑤柱 此極稀貴但時有之  
蟲之屬曰蠶曰蜂曰蟬曰蜻蛉曰蝴蝶曰蝙蝠曰螢  
曰蛾曰蠅曰蚊曰蜘蛛曰螳螂曰螽斯曰蟋蟀曰螻  
蛄曰蚯蚓曰蜣螂曰蟻曰蚤曰斑貓曰果蠃曰螟蛉  
曰蚱蜢曰蠅虎曰蝸牛曰蝦蟇曰蟾蜍曰水鷄曰鱒  
蛤曰蜈蚣曰水蛭

論曰五方之民皆不能無所賴以爲利也近于山  
者利卽在山近于澤者利卽在澤而山澤之利多  
有藉于人功關於國課者則公產槩成私產蘇子  
所謂物各有主苟非吾有一毫莫取也惟諂海所  
產魚之屬四十有二介之屬三十有七半取于海  
水之中半出于海塗之上上無分屬之國課下無  
獨任之人功所謂天地之無盡藏而吾與汝所共  
者也濱海之利莫公于是乃自前代以來勢力之  
家踞爲私產貧民其奚賴哉適值里民爭利叠訟  
具詳道府兩院禁革私佔還之小民利弊情由備

悉三詳因附于左俾後之君子共知釐剔文之工拙所不許也

康熙二十九年四月十八日申詳

漳州府  
知府院

漳州府詔安縣為違禁私佔罔利害民事康熙二十八年十月初三日奉本道批據詔安縣民陳四具急奏天討事狀告鄭登智等霸佔海塗仰詔安縣查報蒙此審看得海為官海而宦族豪民輒私佔以為己有致濱海小民不得公取以為利此詔邑之積弊亟宜嚴禁以甦殘黎者也蓋詔邑沿海為邑地瘠民貧

殘黎所藉以資生者尚賴有沿海之利可供採取耳凡力能造船者則自造漁舟乘潮捕魚而無力造船者則亦足提筐候潮退而踏海塗採取蝦蛤易米賣錢此蓋自然之利則凡濱海之處理宜聽從民便隨方採取豈可私佔以為己利乎乃詔邑流弊竟將官海乘勢私佔大約宦族豪民迭相把持或宦族指海為田小民望洋而興嘆即豪民插箐為界隣里暴足而莫前以致眾心不服爭論日多爭論不已評告日煩此控彼佔彼訴此侵釀訟之端莫此為甚即此四都一方之海塗昔為沈宦所霸里民上控曾于前朝

天啟七年勒石永禁近于康熙二十七年鄭姓與李姓相爭而告縣告府案已盈寸今陳姓又與鄭姓相爭而上控憲轅若非仰藉憲威嚴禁私佔不第沿海里民構訟不休而且天地實與殘黎以資生之路乃被宦族豪民奪其謀生之策是亦天地之所抱憾而不平者也倘蒙憲恩垂念濱海殘黎因一方之告發特賜憲示曉禁沿海居民俾得勒石凜遵則憲澤之優渥不止等于海水之汪洋而實同于天地之高原矣至審鄭登智之敢于私佔而無忌者因二十七年與李姓相爭控縣求署印一示以爲把柄故旣肆東

封又欲肆其西封耳除將所佔海塗聽近處居民隨便採取外仍予一杖固不可縱原告陳四雖多同姓住居詔安四都而四實住居龍溪縣城僉與所爭海塗不相關涉明係包攬告狀以漁衆人之利者併予一杖亦不爲枉至陳四又訴添每人下海抽錢叁拾文果有此情豈有不織人原詞之理而乃爲蛇足之添耶明係告准之後串通証佐同聲附和耳餘犯悉係株累槩先省釋鴻恩出自憲臺非職所敢擅便等情於康熙二十八年十一月初九日備由詳覆本道在案蒙批據詳鄭登智私佔官江應予重杖不枉仍



撤回署縣告示無使奸民藉爲口實陳四包攬告狀亦屬刁徒依擬杖做其私抽遊兵鄭平晏鄭沈等仰縣各責三十板免擬具報仍禁將來餘俱如詳發落繳等因在案又于康熙二十九年三月初一日奉本府批據詔安縣民周士元狀告前事仰詔安縣查報蒙此又看得沿海泥灘乃詔安之一大利弊也傍海爲邑地瘠民貧而殘黎猶得以資生者惟賴海塗採捕不費工本不需船隻潮退携筐拾取蟹蝦蝸蛤易米賣錢此一方自然之利也而詔邑痼弊大約有三偏有科甲儼然夜郎之大卽截佔海塗以爲子孫世

業貧民暴足不前欲往採捕必納私稅此弊之在于依勢者一又有巨族自恃丁壯之多亦截佔海塗以爲一姓私業小姓望洋興嘆偶往採捕輒被擒毆此弊之出于恃力者二二弊叠行結訟不休此告毆命彼告侵佔被告負欠此告勒詐而倚勢恃力之家訟必求勝卽將多收海塗之利以爲打點衙門之費問官入其彀中不念小姓貧民之苦竟將官海官塗斷歸倚勢力之人而且或批執照或給告示隨其所求無不從欲此弊之由于行財者三而行財所藉爲口實問官所據以枉斷者皆以戶有課米爲詞不思海

濱之民戶戶有米米之多寡照丁而課非照塗而課也就如十里之海塗有一丁者即聽一丁採捕有十丁者即聽十丁採捕丁少米少而採捕亦少丁多米多而採捕亦多不均之中正有適均者在何竟不明此理而截斷一方之海塗以歸丁多之族而令浴塗丁少之民別尋遠處採捕定案給示真釀訟無窮而貽害不淺者茲蒙憲批周士元等連名一呈雖係匿名而去冬奉批急奏天討一詞已經逐一審詳在案仰惟憲臺特秉海國之權衡深矚海疆之利弊查閱前詳特賜示俾久邇之人情一朝驚醒素昧之天

理立地喝明海利咸公訟端永息一洗從前之穢跡以開日後之財源庶小戶得生貧民有賴矣等情于三月二十二日備由詳覆本府蒙批海塗聽民採捕不許豪強霸佔如詳仰候發示禁飭繳隨于四月初三日蒙發禁示一道為違禁私佔問利害民事本年三月二十六日據詔安縣申詳看得浴海泥泊詔安之一大利弊也傍海為邑土瘠民貧而殘黎猶得以資生者惟賴海塗採捕不費工本不需船隻潮退携筐拾取蟹蝦蠓蛤易米賣錢此一方自然之利也而詔邑痼弊大約有三偶有科甲儼然夜郎之大即截

估海塗以為子孫世業貧民裹足不前欲往採捕必  
 納私稅此弊之在于依勢者一又有巨族自恃丁壯  
 之多亦截海塗以為一姓私業小姓望洋興嘆偶往  
 採捕輒被擒毆此弊之出于恃力者二二弊並行結  
 訟不休此告歐命彼告侵佔彼告負欠此告勒詐而  
 倚勢恃力之家訟必求勝即將多收海塗之利以為  
 打點衙門之費問官入其彀中不念小姓貧民之苦  
 竟將官海官塗斷歸依勢恃力之人而且或批執照  
 或給旨不隨其所求無不從欲此弊之由于行財者  
 三而行財所藉為口實問官所據以枉斷者皆以戶

有課米為詞不思海濱之民戶戶有米米之多寡照  
 丁而課非照塗而課也就如十里之海塗有一丁者  
 即聽一丁採捕有十丁者即聽十丁採捕丁少米少  
 而採捕亦少丁多米多而採捕亦多不均之申正有  
 適均者在何竟不明此理而截斷一方之海塗以歸  
 丁多之族而令沿途丁少之民別尋遠處採捕定案  
 給示直釀訟無窮而貽害不淺者茲蒙憲批周士元  
 等連名一呈雖係匿名而去冬奉批急奏天討一詞  
 已經逐一審詳在案仰惟憲臺特秉海國之權衡深  
 矚海疆之利弊查閱前詳特賜禁示俾久病之人情

言安州志 卷之三  
一朝礪醒素昧之天理立地喚明海利咸公訟端永  
息一洗從前之穢跡以開日後之財源庶小戶得生  
貧民有賴矣等緣由到道據此爲照海塗採捕之利  
乃海邊貧黎藉以資生苟入豪強之手則殘黎矣望  
保無向隅之悲乎既經本道羅 飭批示禁去後自  
應凜遵痛改豈容故違明禁茲據該縣申詳前由合  
就出示嚴禁爲此示仰該地方保甲人等知悉嗣後  
海塗聽民採捕不許豪強依勢霸佔擅抽私稅敢有  
故違許地方保甲指名稟究定行差提審實從重究  
治如有受賄容隱不報或被告發或經訪聞該地方

保甲一體治罪決不姑貸各宜凜遵毋忽特示奉此  
遵卽張掛曉諭外再看得詔安爲敢小之僻邑偏有  
極大之流弊惟邑小則易張威力而事多偏枯惟地  
僻則遠隔

憲轅而人無忌憚其流弊所宜禁革者不可枚舉職  
一到任訪求利害悉爲興除不顧惡言不畏強禦惟  
矢一片之至誠以清積年之痼習忘詳本道者詳道  
奉行應詳本府者詳府批示原不敢以縣令職所當  
爲力所能爲之事輕瀆

憲聞也惟有私佔海塗一事其弊尤甚竊思士子生

長斯邑讀書成名倖獲科第之選以膺爵祿之榮正  
宜為德于鄉施仁于里乃詔邑士紳全不曉此反選  
一時之威力奪小民公其之海利翫為己有以私于  
孫或指估海塗幾里貧民褻足而不敢前或釘估網  
桁幾處漁戶艤舟而不敢近或估官渡以為私渡或  
估官濠以為私濠橫行取租安坐收稅由身及于田  
子傳孫竟將官物永為私業因而後輩間起以及豪  
族強宗群相效尤各自霸估夫貧民住居海濱自有  
蟹蝦蠔蛤可以採捕易米賣錢安能強制其不採不  
捕略一採捕輒相爭毆疊起訟端皆私估之為害耳

職備查原由概為曉禁雖申蒙本道嚴批詳奉本府  
禁示在案但紳裔強族久奪小民自然之利以私于  
一己今職一旦奪紳裔強族自專之利以還之小民  
彼雖屈于一時之正理而終難絕其久年之貪心倘  
職一日去任彼必將立時翻案仍肆霸估而無所忌  
憚職因備錄道府原詳詳乞

憲慈垂念濱海殘黎得以資生者全賴官海隨便採  
捕或賜嚴示或賜嚴批俾卑職得藉

憲威勒石永禁庶紳裔強族共知遵守而貧民之法  
恩食德世世無窮矣至禁估官海之外尚有里甲一

事夫皆爲子民各納丁糧卽有盛衰之不同豈容尊卑之或異乃從前分爲里甲勢同主僕里肆魚肉甲受欺凌此各處所未聞而一方可獨駭者自奉憲禁又蒙遞發陳日汝鄭文郁等犯到縣枷示咸知創懲惡習漸變而里甲之名猶存也再容卑職文完田地核實錢糧截長補短分撥平勻則不必另起爐灶而里甲之弊亦可除矣職總欲盡除一邑之流弊以仰副愛民之

憲仁合併聲明爲此借由具申

總督福建浙江等處地方軍務兼理糧餉兵部右侍

郎兼都察院右副都御史興 批詳前由仰布政司確議詳奪繳隨蒙

署司督糧道馮 轉行潭州府查議蒙

署府海防廳齊 看得興大利者必先祛巨害撫窮

弱者必先抑豪強蓋去害卽所以興利推強正所以

扶弱也詔邑僻處瀕海沿海之居民採捕海塗魚蝦

蜻蛤之類易米換錢以爲資生活計此天地自然之

利養斯蒼赤也輒有一種勢力之劣紳丁盛之巨族

或捕箐而爲私界或釘柵而爲己塗將官海官塗霸

作己產己業必勒小民納稅方許採捕甚有踞佔官

渡霸奪官濠橫徵私租坐收私稅竟父以傳子祖以傳孫以官物為世守之私業以公利入獨得之私囊此等流弊正宜嚴革前據詔邑頑民鄭禮喬私佔官塗奉 前撫憲發前府審擬業經奉批鑄石永禁在案茲據詔安縣申詳復蒙發府查議卑署府細繹海塗係屬官塗自應聽民採捕自然之利公之窮黎其豪強私佔霸奪海利所當嚴革鑄諸貞珉以垂奕禩者也至里班欺凌甲戶視為世隸之奴久為地方大害應行縣分撥均平然此歷來之銅弊欲清剔于一旦非奉

<sup>督</sup>撫兩憲主持 憲臺霜威恐縣令一官多為掣肘俟其詳覆到日恭聽 憲裁可耳具由詳覆布政使司隨蒙

署司督糧道馮 查得詔安縣申詳海塗聽民採捕里甲分撥均平緣由奉 憲批司確議詳奪遵卽檄行漳州府查議去後茲據該府詳覆前來本署司遵查詔安縣沿海官塗原係居民採捕魚蝦易米資生此自然公其之利豈容劣紳巨族佔為己業勒民納稅貽害編氓前經該府審擬詳奉 前撫憲鈞批鑄石永禁在案相應從府縣所請公之黎庶禁

其霸佔勒石遵守以垂永遠可也再查里甲一事閩省舊習最爲滋害本署司已于海澄縣里民陳日汝等阻撓均甲案內備陳改革將闔邑民戶大小丁米多寡應分應合嚴令有司秉公編釐造冊報繳通詳在案今該縣詳請截長補短分撥平均事同一轍應否如詳統候批示遵行具由詳覆 兩院蒙

總督部院與 批豪強霸佔海塗不許窮黎採捕深爲民害如詳通飭沿海州縣一體勒石永禁取具各遵依及碑模送查至于均平里甲之舉已于案盡未結等事詳內批明在案該司實力遵行可也仍候

燕院批示繳蒙

署巡撫部院與 批海塗公利豈容私爲已業如詳飭行沿海各屬通行勒石永禁以除積弊至里甲一事已據該司通詳陳日汝一案批候 督部院批示矣仍候 督部院批示行繳



...

五

甲午年...

